



HOOFSTUK 7: NUWE TESTAMENT- GEBOORTE VAN CHRISTUS EN DIE VERSOEKING

500 JAAR LATER

Meer as vyf honderd jaar het verloop vanaf Daniël se profesieë. In 6 v.C. het die Romeine die Jode godsdienstvryheid toegelaat, maar die volk was swaar belas. Die tempel is herbou en was die middelpunt van die Joodse lewe. Die volk het begin om die profesieë van 'n komende Messias te vergeet maar daar was tog diene wat die wet onderhou het en uitgesien het na die koms van die beloofde Verlosser. Een van hulle was 'n ou man met die naam Símeon. Hy was 'n heilige man wat begeer het om die Een te sien van wie die profete gepraat het. Vir jare het hy die profesieë gelees en het geweet dat die tyd nou naby was, maar hy was reeds oud en sou seker nie veel langer leef nie. Dit is nou 4000 jaar na die tyd dat God, Eva, beloof het dat uit haar saad die Een sal kom wat die Bose sal vernietig.

Dit is nou tyd dat die meer as 350 profesieë tot vervulling kom.

6 v.C.

O God van Abraham, Isak en Jakob, ek wag al so lank vir die Verlosser, maar ek sal nie meer veel langer leef nie.

Inderdaad, jou leeftyd is amper verby maar voordat jy sterwe, sal jy die belofde Een sien.

Volgens Miga 5:1-3 is die seun ewig net soos God. Wat van die profesie van Psalm 45:7 waar God die Seun ook "God" noem?

Daar is maar min wat met jou hieroor sal saamstem en ek raai aan dat jy nie in die openbaar sommer oor die dinge praat nie. Dit mag veroorsaak dat jy gestenig word.

Jy sal nog sien, voordat ek tot sterwe kom, sal die Messias na hierdie tempel kom en ek sal hom sien.

Ek kon nie help om te hoor wat julle sê nie. Ek het ook die Geskrifte bestudeer en 500 jaar gelede het Daniël 'n paar baie interessante dinge, in verband met die tyd van die koms van die Messias, te sê gehad.

Wat weet jy wat die skrifgeleerdes nie weet nie?

Simeon het die Heilige Skrifte deursoek en baie profesieë aangaande die Christus gevind.

Simeon, jy is elke dag hier. Ek sou graag wou hê dat al die priesters so getrou soos jy moet wees.

Hoe verstaan jy hierdie profesie in Jesaja aangaande Christus? Dit sê dat 'n maagd swanger sal word en 'n seunskind sal baar. Hierdie moet die saad van die vrou wees, soos aan Eva gesê was.

Ja, en Jesaja het ook gesê dat hy die Magtige God genoem sal word. Maar die profesieë is moeilik om te verstaan.

Hy kan reg wees, weet jy.

En wie is jy? Wat weet jy van hierdie dinge?

My vader is 'n skrifgeleerde en het aan my die profesieë gewys. God het aan Daniël bekend gemaak dat vanaf die tyd dat die opdrag uitgegaan het om Jerusalem te herbou, tot die afsnyding van die Messias, 483 jaar sal wees.

Dit is nou reeds **449** jaar nadat die opdrag gegee was. Dit laat net 34 jaar oor, wat beteken dat die Messias selfs nou al onder ons kan wees.

Nee, nog nie. Die Heilige Gees het aan my geopenbaar dat voordat ek doodgaan, ek die Messias, as 'n baba, hier in hierdie tempel sal sien.

Hoe kan jy sulke dinge weet?

Jy sal nog sien.

Terwyl Simeon steeds ouer word, getrou by die tempel gewag het en uitgesien het na die beloofde Christus, het 'n priester met die naam van Sagaria eendag die tempel ingegaan om te bid. Hy en sy vrou was al oud en het nooit kinders gehad nie.

Skielik het 'n engel aan die regterkant van die altaar verskyn!



Moenie bang wees nie. Jou gebed is verhoor en jou vrou Elisabet sal 'n seun baar en julle moet hom Johannes noem.

Baie sal juig wanneer hy gebore word. Want hy is die een wat die mense sal voorberei op die koms van die Messias. Hy sal nie wyn of sterk drank drink nie en hy sal die gees en krag van Elia ontvang.

Hoe kan ek weet dat wat jy sê die waarheid is? My vrou en ek is albei te oud om kinders voort te bring, en sy was haar hele lewe lank onvrugbaar.



Ek is Gabriël, wat in die teenwoordigheid van God staan en ek was gestuur om jou hierdie dinge te vertel. Wil jy 'n teken hê? Jy sal nie kan praat totdat jy hierdie dinge sien gebeur het nie.



Ek sal bly wees wanneer ons oor hierdie dinge kan gesels. Die huis is so stil. Jy behoort beter te weet as om met 'n Engel te redeneer.

Sagaria, dit is steeds moeilik om te glo. Net soos Sara, ons volksmoeder, het God ons gebede verhoor en nou gaan ek die moeder van 'n **groot profete** wees.



Vir 4000 jaar voorspel die profete die koms van die Messias. 700 jaar vroeër het die profete Jesaja gesê, "Kyk, 'n maagd sal swanger word en 'n seun baar en hy sal **Immánuel** genoem word, dit is God met ons."

Maria was verloof en het op troue gestaan met Josef. Sy het nog nooit intiem met iemand verkeer nie. Sy was gehoorsaam aan al die wette van Moses.



Skielik het 'n engel aan Maria verskyn!

Maria, jy het groot guns voor die aangesig van God gevind. Jy sal swanger raak en die seun van God sal uit jou gebore word.

Hoe kan so iets gebeur aangesien ek nog nooit intiem met 'n man was nie?

Die Heilige Gees van God sal jou bedek. Die heilige fetus wat in jou baarmoeder verwek word, sal die seun van God wees. Jou niggie Elisabet, wat onvrugbaar was, is nou ook swanger. Sy is nou in haar sesde maand.



Ek is 'n diensmeisie van die **Here**. Mag dit met my wees soos Hy wil.

Ek gaan die **moeder** van die Seun van God wees. Sal Josef my glo? Sal hy verstaan? Wat sal almal dink wanneer hulle beseft dat ek swanger is? Ek weet; ek sal by Elisabet gaan bly.



Elisabet!

Maria,
my kind!

Geseënd is jy onder alle vroue en **geseënd** is die vrug van jou skoot. Wie is ek dat die moeder van my Here my kom besoek? Want toe ek jou stem hoor, het my kindjie in my skoot van vreugde opgespring.

My siel vereer inderdaad die almag van die Here en my gees is verheug oor God, my Saligmaker. Hierna sal al die geslagte my geseënd noem want Hy het groot dinge gedoen.

Hy het die van nederige herkoms verhoog. Soos Hy aan vader Abraham gesê het, het Hy in genade nie van ons vergeet nie.

Maria het vir omtrent drie maande by Elisabet gebly.

Die tyd het aangebreek vir Elisabet om geboorte te gee.



Sagaría is seker dat hulle 'n seun gaan hê; hy sê dat 'n **engel** dit vir hom gesê het.

Wel as dit 'n seun is, neem ek aan dat sy naam **Sagaría** sal wees. Na sy vader vernoem.

Hier kom hy nou. Kom ons vra hom.

Hulle het gesê dat die engel hom stom gemaak het omdat hy nie die engel geglo het nie.

Wat gaan die kind se naam wees?

Hy wil 'n skryftablet hê.

Hy sê dat sy naam **Johannes** sal wees, soos die engel beveel het.

Maar daar is niemand in die familie met die naam Johannes nie.

Dit is toe 'n **seun**, 'n baie harige seun.

Sy naam is **Johannes**, volgens die woord van die Here. Hy sal die **Messias** aan ons, die volk van Israel, bekendmaak.

Hy praat!
Na al hierdie maande, praat hy weer!

Kan dit wees dat dit inderdaad die Elia van die profesie is?





Josef en Maria het in Násaret, Galiléa gebly, maar daar was 'n ou profesie wat gesê het dat die Messias in Betlehem van Judea gebore sou word. (Miga 5:2). Binnekort sou Maria geboorte aan haar kindjie gee en dit sou, volgens die profesie, in die verkeerde dorp wees. Hulle was nie bewus van die profesie nie en het dus geen rede gehad om die lang reis na Betlehem te neem nie.

Luister, luister almal! Volgens amptelike proklamasie uit Rome, deur die Keiser homself onderteken, sal 'n **sensus** geneem word en al die mense van Israel sal terugkeer na hul geboortedorp om vir belasting te registreer.

Josef, dit beteken dat jy na Betlehem sal moet gaan en dus nie hier sal wees wanneer die baba gebore word nie.

Die mense sal nie verstaan as ek weg is nie. Ek sal jou saam met my neem.



Maria, ek moes jou nie op hierdie reis gebring het nie. Miskien moet ons terugdraai.

Nee, ek moet by jou wees wanneer die baba gebore word. Niemand sal verstaan nie.



Dit het langer as 'n week geneem om die amper 100 myl reis te voltooi.

Ons moet gou maak as jy kan. My **tyd** is naby.

Ek sal sien of ek 'n kamer in die herberg kan kry.



Maria, ek het 'n vroedvrou gekry om ons te help.

Was daar nie plek in die herberg nie?

Nee, dit was **vol**.



Jy het baie goed gedoen met die geboorte veral omdat dit jou eerste baba is. Net jammer dat hy in 'n stal gebore moes word.

Moenie dat dit jou pla nie. Eendag gaan hy die wêreld regeer.

Wel, vir my lyk hy soos 'n dood normale baba.



WAT
NOU? Dis 'n
engel!

Duisende
engele!

Moenie vrees nie,
want God het my gestuur om
aan julle die goeie nuus, wat vir
alle mense bedoel is, te vertel.
Vandag is daar in die stad van
Dawid 'n verlosser gebore en
Hy is die Joodse Messias,
die Here.

Eer aan God in die
hoogste! God bring vrede
op aarde, want Hy het 'n
welbhae in die mense.

Hierdie is 'n teken vir
julle, julle sal 'n baba vind
wat in doeke toegedraai
is en in 'n krip lê.

Kan jy dit glo?
Engele het aan
ons verskyn!

Wag totdat
ek my vrou
vertel!

Het jy gehoor wat hy
gesê het? Die Messias
is in Israel gebore.

Ek wil
gaan kyk.

Die Verlosser!
Vrede aan die mense!
'n Baba? Kom ons gaan
om Hom te sien!

Jammer om
julle te pla, maar
'n engel het ons
genooi om te
kom.

Die Messias!

Wie sou kon dink,
God wat 'n baba
geword het?



Die tyd het aangebreek vir Maria en Josef om die pasgebore kindjie voor die priester te bring en om volgens wet, voorgeskrewe offers te bring.

Josef, dit sal die eerste keer wees dat hy na die tempel geneem word en niemand hier weet dat Jesus die Christus is nie.

Ek dink nie ons moet dit nou al aan enig iemand vertel nie. Wag totdat hy eers groot word.



Simeon was in die tempel.

Daar is hy! Ons het so lank gewag.

Wie is dit, Maria?

Ek weet nie. Niemand ken ons hier nie.



Geseënd is U, O Here ons God. Nou kan ek in vrede doodgaan want ek het die Verlosser gesien, net soos U belowe het. Hy sal 'n lig vir die heidene en die glorie van Israel wees.

Maar hoe het jy dit geweet?



Luister na my woorde. Hierdie kind sal veroorsaak dat baie mense in Israel opgerig word, maar dit sal ook die ondergang van vele beteken.

Daar sal teen hom gedraai word en jou hart gaan breek wanneer jy sien wat met hom gebeur.



Kyk! Die Messias. Hy het na sy tempel gekom. Dit is van Hom wat die profete gepraat het.

Dit is Anna. Sy het haar hele lewe lank gewag om die Messias te sien.



Jong man, hierdie kind is die **Christus**, die verlosser van die wêreld. Hy sal Israel red van hulle sondes.

Van daardie dag af het Anna oor hom gepraat met almal wat redding gesoek het.

Zbestudeer het en hulle wou meer oor God weet. Hulle het geweet van die profesie van 'n verwagte Messias. In drome en visioene het God aan hulle openbaar dat die beloofde Een gebore was. Hulle het 'n buitengewone ster ontdek en die het hulle na die volk van Israel gelei.

Ons het al baie ver gereis en is al weke lank op pad. Hierdie is 'n vreemde land waar ons ons nou bevind.

Die ster bly beweeg. Ons sal dit volg so ver as wat nodig is.

Daar was in die tyd geen koning oor Israel nie aangesien Rome oor hulle regeer het. Die Romeinse koning wat oor Jerusalem regeer het was Herodes. Die wyse manne het Herodes besoek om hom uit te vra oor die pasgebore koning.

Koning Herodes, hier is drie mans uit die verre Ooste en hulle lyk baie ryk. Hulle sê hulle soek na die **nuwe koning** van Israel – 'n baba wat gebore is.

'n Baba? 'n Koning? Ek is die koning. Laat hulle binnekom en bring die Hoofpriesters en Skrifgeleerdes na my.

Julle sê dat julle gekom het om 'n baba koning te sien? Hoe weet julle van hierdie dinge?

Ons het sy ster in die Ooste gesien en het gekom om hom te aanbid.

Waar is Hy?

Ons weet nie presies waar Hy is nie. Dit is waarom ons na U gekom het.

Ek het my geleerdes ontbied. Ons sal sien wat hulle hiervan weet. Kom saam met my na 'n private kamer.

Hulle sê dat hulle gekom het om die Koning van die Jode te aanbid. Die Een oor wie daar geskryf is dat Hy sal kom om die mense te red. Is daar so iets in julle geskifte aangaande 'n **Koning**?

Ek gee nie veel aandag aan julle geleerde opinies nie. Presies wat sê die profesieë?

Ja, baie profete het Sy koms voorspel, maar ons glo nie dat sulke profesieë letterlik opgeneem moet word nie.

Wel, Miga, die profete, het gesê dat die Messias uit die stam van **Juda, in Betlehem**, gebore sal word.

Luister, ek sal self graag die Kindjie wil hulde bring. Dus wanneer julle hom vind, laat my weet waar Hy is.

Natuurlik. Sodra ons hom vind, sal ons U laat weet.

Herodes was bevrees dat 'n koning wel gebore is. Sy plan was om uit te vind waar Hy is en die jong kind dood te maak.



Dit was vreeslik hoe daardie Skrifgeleerdes presies geweet het waar die kind gebore sou word, maar hulle het niks belanggestel in hulle eie profete se kennis nie.

Die geskrifte van die profete van Israel is soos geen ander nie. Ek het nog nooit sulke presiese voorspellings gesien nie.



Kyk!
Dieselfde ster
wat ons in die
Ooste gesien
het!

Tog is dit nie soos enige ster wat ons al ooit gesien het nie. Dit beweeg nie saam met die ander sterre nie en dit is soveel helderder.

Merk sy
posisie en dan volg
ons dit môre.



Daar, dit het gaan staan oor daardie huis. Maar hierdie is nie **Betlehem** nie! Dit is al 'n paar maande later. Miskien het hulle getrek.

Dit was so 'n lang reis en nou is ons amper daar.

Dit is inderdaad 'n **vreemde** ster. Dit lyk niks hoër as die wolke nie.



Ons wil julle nie pla nie, maar ons het soveel weke gereis om die pasgebore Koning te sien en te aanbid.

Hoe
het julle
geweet?

Ons lees die heilige skrifte van alle volke. Julle profete het **Sy** koms voorspel en toe het 'n **ster** verskyn om ons hierheen te lei. Die ster is juis nou bokant julle huis.



Met groot nederigheid bring ons hierdie geringe geskenke ter ere van die Verlosser van die wêreld. Hy sal baie na geregtigheid lei.

Daardie nag het God in 'n droom aan die wyse manne verskyn, vir hulle gesê om nie Herodes te vertel waar hulle die kind gevind het nie en hulle gewaarsku om met 'n ander roete na hul tuislande terug te keer. God het ook met Josef gepraat en hom gesê om na Egipte te vlug, want Herodes wou die kind doodmaak.



Daardie manne uit die Ooste het my om die bos gelei. Hulle het 'n ander roete huis toe geneem. Dit beteken hulle het die kind gevind en was bang om hierlangs terug te keer.

Stuur my spesiale brigade na Betlehem. Sê hulle moet elke manlike kind onder die ouderdom van twee doodmaak.



Lank gelede het die profete reeds hierdie vreeslike hartseer gebeurtenis, wat in Betlehem sou plaasvind, voorspel.



Josef, Maria en die baba Jesus het na Egipte gevlug. Die geskenke wat hulle van die wyse manne ontvang het, het hulle in staat gestel om te reis en te oorleef vir die twee jaar wat hulle daar was.

Nadat Herodes gesterf het en toe Jesus twee jaar oud was, het God hulle beveel om na Israel terug te gaan. Dit was ook ter vervulling van 'n Bybelse profesie: **"Ek het my Seun uit Egipteland uitgeroep."**



Na hulle terugkeer uit Egipte, het 'n engel aan Josef gesê dat hy na 'n klein dorpie met die naam Nasaret toe moet trek. Hierdie was ook 'n vervulling van die profesie dat Hy 'n **Nasaréner** genoem sal word.

Jesus het saam met sy stiefvader, Josef, as 'n skrynwerker gewerk. Hy het in beide liggaam en gees gegroei en was baie wys.

Gaan my vyf mans die hele dag net werk? Kom eet.



Toe Jesus twaalf jaar oud was, het Josef die gesin na Jerusalem geneem vir die Paasfees viering. Hulle het die offer lammetjie, wat hulle sondes moes bedek, saamgedra.

Jesus, neem jy die lammetjie na die priesters. Hulle moet hom eers goedkeur voordat ons hom môre mag offer. Ons sal intussen iewers 'n rusplek vir die nag vind.

Vader, kan ek saam met Jesus gaan om die **tempel** te sien?



Dae later, nadat die offers gebring was.

Josef, ek kan Jesus nêrens vind nie. Niemand het Hom vandag gesien nie.

Ek dink ons moes Hom in **Jerusalem** agtergelaat het.

Maar hy het geweet ons gaan vertrek. Ek het aangeneem dat Hy maar tussen ons familielede is.

Ons sal maar moet teruggaan om Hom te vind.

Stem julle saam dat die Messias die **seun van Dawid** sal wees, want so sê die profete. Julle stem ook saam dat Dawid hom Here genoem het, asof die Messias sy God was. Hoe dan kan die Messias, Dawid se seun wees en terselfde tyd ook sy Here wees, tensy....

Of die Geskrifte is waar of hulle is nie. Glo ons dan net dit wat ons tradisie pas?

Is die **waarheid oit diep**? Was die geskrifte nie aan ons gegee om te verstaan nie?

Jy moet versigtig wees met daardie denkwyse, die gevolgtrekking kan na aan Godslastering kom.

Maar jy neem sommer aan dat jou verklaring reg is. Die Ouderlinge is beter gekwalifiseerd om hierdie diep waarhede te verstaan.

Maar jy kan nie alles letterlik opneem nie. Die Talmud sê...

Daar is hy!





Onthou nou dat Elisabet ses maande voor Maria geboorte aan 'n seun geskenk het. Die engel het aan Sagaria gesê dat hy die seun Johannes moet noem, en dat hy die mense se harte sal voorberei vir die koms van die Messias. So was dit ook deur die profete vyf honderd jaar tevore voorspel.

Julle moet wegdraai van julle boosheid en aan God gehoorsaam wees, want die koninkryk van die hemel gaan binnekort ingestel word.

As julle, julle harte voorberei om die Messias te ontvang sal ek julle in water doop. Maar daar is Een, wat na my kom en bo my verkore is, want Hy het al voorheen bestaan. Hy sal julle nie in water doop nie, maar in die Heilige Gees van God self. Draai weg van julle sondes voordat dit te laat is.

Wat moet ons doen Johannes? Wat verwag God van ons om regverdig te wees?



As jy twee jasse het en jy ontmoet 'n man wat geen jas het nie, gee dan vir hom een van jou jasse. As jy kos het en iemand is **honger**, gee hom dan iets om te eet.

Beoefen **regverdigheid** teenoor alle mense.



Johannes, ons wat vir die regering werk, wat kan ons doen om God te behaag? Ek is 'n belastinggaarder en Nabal hier is 'n doanebeampte.

Moet nie omkoopgeld aanvaar nie. Moenie jou posisie misbruik om mense te dwing om geld oor te betaal nie. Wees regverdig en getrou in al julle onderhandelinge.



Ek is nie deel van jou volk of geloof nie. Maar ek wil ook graag God behaag. Wat behoort ek te doen?

Moet nie geweld gebruik teenoor die oor wie jy regeer nie. Moet nie **steel** of jou posisie gebruik om geld of die eiendom van iemand te vat nie. Wees tevrede om van jou lone te leef.



Die woord 'doop' kom van die Griekse taal en dit beteken algehele onderdompeling of indruk.

Hy wat na my kom is magtiger as ek. Ek is dit nie werd om Sy skoenriem los te maak nie. As julle, julle sonde bely en glo, sal Hy julle met die Heilige Gees doop.

Maar as julle Hom verwerp en aanhou met sondig, sal Hy julle in die vuurpoel van die ewige verdoemenis werp. Hou dus dadelik op met sonde.



Ek is nie die Messias nie.

Nee, maar soos die profeet Jesaja gesê het, "Ek is die stem wat in die wildernis roep, "Maak die pad van die Messias gelyk."

Wie is jy, dat jy die Messias verkondig? Wat sê jy oor jouself?

Is jy die profeet van wie Moses gepraat het? Die Een wat sal kom om die volk terug na God lei?

Watter reg het jy dan om oor ons godsgeleerdes te gaan en hierdie mense te doop?

Ek is net die boodskapper wat die pad vir die Messias voorberei, maar julle is seuns van die Addergeslag. Julle dink omdat julle Jode en kinders van Abraham is dat julle kinders van God is.

Julle moet julle sonde van hoogmoed laat vaar. Die byl lê teen die wortel van die bome, en julle sal afgesny word en in die vuurpoel van die ewige verdoemenis gewerp word, as julle harte nie verander nie.

Die engel van die Here het aan my gesê, die Een op wie die Gees van God soos 'n duif neerdaal, Hy is die Messias van Israel en die Verlosser van die wêreld.

Johannes, jy sê dat die Messias binnekort kom. Hoe sal jy hom herken wanneer hy kom?



Johannes het reeds ses maande lank gepreek en Jesus was al dertig jaar oud.

Ek het verwag dat hierdie tydperk sal aanbreek. Die engel Gabriel het gewaarsku dat ek groot smart sal ervaar. Ek wens jou pa, ek bedoel jou stiefpa het nog gelewe om hierdie dinge te sien.

Wat gaan jy doen? Hoe gaan jy begin? Sal jy na die tempel gaan?


Sal jy terugkom om my weer te sien?


Ek weet nie. My Vader sal my lei. Eerstens moet ek na Johannes gaan sodat ek deur hom gedoop kan word. Hy het al baie mense voorberei vir die dag van verklikking.

Natuurlik moeder, ek sal u nooit verlate los nie. Maar u moet sterk wees. Dinge sal met my gebeur en dit sal nie vir u maklik wees nie.











Satan het die eerste man, Adam, versoek om iets te eet wat verbode was. Nou is hy besig om hierdie swak en uitgeteerde Seun van die mens ook in versoeking te lei

Dit was inderdaad 'n versoeking aan 'n man wat veertig dae laas ge-eet het.




Hier, U kan hierdie klip in **brood** verander en so U **honger** stil.



Nee, ek sal nie. Die Woord sê dat die mens nie van brood alleen kan lewe nie, maar van elke woord wat God spreek.

Kom dan saam met my. Ek sal U na 'n plek neem waar U gehoorsaam aan God kan wees.



As U hier **afspring** en die engele sou kom en U vang, dan sal die mense sien en U as die **Messias** aanvaar. Ek weet dit is waarom U gekom het.

U het self uit die skrifte aangehaal, en die **Woord** sê tog dat die engele U op hulle hande sal dra indien U voet teen 'n klip sou struikel. Nou is die tyd om U krag te openbaar.

Die skrifte leer ook, "**Jy moet die Here jou God nie op die proef stel nie.**"

Ek weet dat U die wêreld lief het en gekom het om die wêreld te red, so ek sal vir U 'n plek wys waarvan ek dink U sal hou.



So ja, nou kan ons die meeste van die wêreld se koninkryke sien. **Is hulle nie wonderlik nie?** Vandat Adam sy rug op U heerskappy gedraai het, het ek die wêreld in besit geneem. Die mensdom het dit weer en weer aan my gegee. Dit is alles myne. Ek is die god van hierdie wêreld en nie U nie.

Ek sal dit alles aan U gee... maar slegs op een voorwaarde. As U net eenkeer voor my kniel en my aanbid, sal ek my heerskappy oor die wêreld opgee en dan kan U dit kry met alles en almal daarin. Wat sê U?



Die skrifte sê, **"Die Here jou God moet jy aanbid en Hom alleen dien."** Jy het **misluk**, gee nou pad hier.

Satan het uit die teenwoordigheid van Jesus Christus gevlug. Vir die eerste keer in die menslike geskiedenis, het Satan 'n man teëgekomp wie hy nie kon mislei nie. Jesus het die toets geslaag en nou was daar een mens wat hom totaal aan God onderwerp het.



Die veertig dae toets was nou verby, maar Jesus was te swak om voort te gaan.



Engele het kos en water gebring en Hom bedien. Nadat Sy liggaam herstel en versterk was, het hy teruggekeer na waar Johannes gepreek het.